

# مُصَاحِبَةُ الْقُرْبَى

در سعادتده باب عالی جواریده  
دائرة مخصوصه

محل اداره :

اختیار :

مسکونه موافق آثار جدیده مع المهوریه  
قبول اولنور  
درج ایدله بن آثار اعاده اولنور

دیر، فلسفه، علوم، حقوق، ادبیات و سیاسیات و باطنیات و کربک اجتماعی و مدنی احوال و شئونه ایدله و در بحث ایدر و هفته ده بر نشر اولنور.

صاحب و مؤسسی : ابوالعلا زین العابدین - ح . اشرف ادیب	آبونه بدلی سنه لکی التی آیلنی	۴۰ غروش	۸۰	مالک عثمانیه ایچون
تاریخ تأسسی ۱۰ تموز ۳۲۴	۳۰۵ روبله	۶۰۵	»	روسیه
۲۰ غروش فضله آلنیر	۹ فرانق	۱۷	»	سائر ممالک اجنبیه

عدد : ۶۶      ۲۶ ذی القعدة ۳۲۷      ۲۶ بجمده ۲۶      نشرین ثانی ۳۲۵      اوچینجی جلد

حتین دور لرنده دخی فتوحاته دوام اولمغله برابر داخلده ظهور ایدن فتنه لر، اغتشاشلر، نفاقلر، تفرقه لر هر کس شاشیر تمش، فکر لری مشغول اینمشدی. بالعموم امتک اعصابنده حصوله کلن بر تزلزل مزعج، بتون مسلمینک روحنده وقوعه کلن بر اضطراب مدهش اورطه لانی صار سیوردی. اکابر علمایا تبحیر بولنیور؛ سائر علماده اطراف واکناهه طاغیلور؛ ازوایه میال کورونیور لر دی.

اولکی ایکی دورده حضور، استراحت، صوک ایکی دورده آسایش وانتظام، فقود بولندیغدن افکار علماده سکونت وکشایش حاصل اولمیوردی. اشته بوندن طولایی، علم جلیل فقهک تصنیف و تدوینی اجرا ایدله مدیکی کبی آثار و سندنک دخی جمع و تالیفنه موفقیت حاصل اوله ماممشدی.

اولجه دخی عرض ایتدیکم وجهله اصحاب کرام حضر اتندن اجتهاد، افتا، علم فقه ایله اشتهار ایدنلرک عددی یوز اوتوز بوقدر عدددن فضله دکلدی. بونلرک آراسندن اجتهادلرینک رسوخی، افتالرینک کثرتی ایله دهها زیاده شهرت شعار اولانلر. عمر بن الخطاب، علی ابن ابی طالب، عبدالله بن مسعود، ام المؤمنین عائشه، زید بن ثابت، عبدالله بن عباس، عبدالله بن عمر، ابوبکر الصدیق، ام سلمه، انس بن مالک، ابو سعید الخدری، ابو هریره، عثمان بن عفان، عباده بن عمرو بن العاص، عباده بن الزبیر، ابوموسی الاشعری، سعد بن وقاص، سلمان الفارسی، جابر بن عبدالله، معاذ بن جبل، طلحه، زبیر، عبدالرحمن بن عوف، عمران بن حصین، ابوبکره، عباده بن الصامت حضر اتی ایدی. علم فقه و اجتهاد تاریخنده مشار الیهمدن هر برینک رأیلرینه جوق دفعه لر نصادف اولنور. باخصوص اولجه ذکر ایدیلن یدی ذاتک علم جلیل فقهه، اجتهاده ایتدک لری خدمت پک عظیمدر.

علم فقه تاریخندن بر پارچه :  
اجتهاده دائر

دور اصحابه امتهاد :  
مابعد  
بر علمک تصنیف و تدوینی، او علمک طریق ترقی و راه تکاملده قطع ایش اولدینی صوک صفحهی ارأه ایدر. تصنیف و تدوین عادتاً بر نوع تختیمدر.

علم جلیل فقه دور اصحابه داخل لازم اولان توسیعه مظهر اولاش ایکن هنوز تدوین و تصنیفی اجرا ایدله مه مشدی. احتیاج، تتبعات و اجتهاد واسطه سیله بتون مسائل فقهیه بی متفرق و متشتت بر صورتده میدانه چیقارمش ایدی ایسه ده اوزرنده منطقی اولان بر تنویع و تقسیم یوریدله مه مشدی. بونک اجراسی ایچون دهها زیاده چالیشمق ایجاب ایدیوردی. حقیله چالیشه بیلمک ایچونده حضور، سکونت، استراحت لازمدی.

بتون عصر لرده، بتون ملنورده اولدینی کبی، عصر اصحابه دخی بین المسلمین اورطه صنف علما کثرته موجود اولدینی حالده متخصصین آلتی بی، یدی بی کچمه جک درجه ده آزدی.

بتون بونکله برابر شیخین دور لرنده فتوحات و مجاهده یه کمال کرمی ایله دوام اولنیور؛ علما دخی فکر آ، بدناً شو فتوحات و مجاهده یه اشتراک ایدیوردی. هله حکومت منحصر آ نلرک چیز دک لری خط اوزرنده جریان ایدردی.

ابن عباس، ابن عمر حضراتی عادتاً هنوز طلبه لک عالمنده بولنور. لردی. فی الحقیقه ام المؤمنین عائشه، زین بن ثابت حضراتی اکثریت اوزره وقتلرینی علمه، تبعاتده حصر ایدیور لر ایدسه ده هنوز جزئیاتدن کلیاته ارتقا ممکن اوله میوردی.

شارع اعظم صلی اللہ علیہ وسلم اقدم زدن سو کرہ فقہ اسلامی احیاء و احتیاجہ کورہ توسیع ایدن اشبو ذوات کرامدر۔ اجتہاد عادتاً بونلرہ تشخیص ایتشددر۔

حضرت عمر رضی اللہ عنہک فتاواسی شرقاً و غرباً انتشار ایلدی۔ اقصیہ سی عادتاً قضاة مسلمین ایچون بر دستور تشکیل ایتدی۔ حضرت ابوبکر ارتحال نبویدن سو کرہ چوق معمر اولماقلہ برابر، امور اداره ایله پک زیادہ مشغول اولدیغندن فتاواسی اوقدر انتشار ایتہمشدی۔

علی بن ابی طالب حضرت ترینک فتاواسی، بالخاصہ اقصیہ سی حجاز، عراق طرفلرنده پک زیادہ منتشر بولنیوردی۔ فقہ حنفینک مهم برسلسلہ سی حضرت علینک اقصیہ، فتاوا و مجتہداتہ منتهی اولدیغی کبی فقہ زیدی، فقہ جعفری، فقہ اباضینک دخی اساسلرینی تشکیل ایلر۔ ابن مسعودک فتاوی و مجتہداتی عراق طرفلرنده منتشر ایدی۔ ابن عباس حضرت تری فکر آ سربست و طبعاً حر بذات عالی القدر اولوب برچوق نقطہ لردہ اجتہادجه جمهور علمایہ مناقض کلیوردی۔ فتاوی و مجتہداتی مکہ و نواحیسنده وین طرفلرنده انتشار ایتشدی۔ زید بن ثابت، ام المؤمنین عائشہ حضرتی علم فقہک بتون شعباتنده باخصوص علم فرائضده پک زیادہ اختصاصی حائز ایدیلر۔ فتاوا و مجتہداتلری اقطار عالمہ انتشار ایتکلہ برابر مدینہ منورہ و حوالیسندہ پک زیادہ معمول به ایدی۔

ابن عمر رضی اللہ عنہما دائماً بر مسلك بی طرفی التزام ایدہرک اکثریت اوزرہ متزوینانہ عبادتله، تبععات علمیه و اجتہادله امرار حیات ایدیوردی۔

فقہ مالکیندکنیش بر ایز عمر، عائشہ، زید بن ثابت، ابن عمر حضرتتک فتاوی و مجتہداتہ منتهی اولیور۔

ابوموسی الاشعری بصرہده، عبدالله بن مسعود، سعد بن وقاص کوفہده، ابوذر غفاری، ابوالذر داء عبادۃ بن الصامت شامده اوزون مدت اقامت ایدہرک علم جلیل فقہک اطراف و اکنافده اساسلی بر طرزده یرلشمہسنہ سعی و غیرت ایدیورلردی۔

دور اصحاب برسعی مدید، بر فعالیت دوری ایدی۔ هر کس چالیشیور، یورولیوردی۔ یوز کشینک یابہجنی برایش ایچون بر صحابی کفایت ایدیوردی۔ صبر، عزم، متانت اصحابده تجسم ایتشدی۔ بر صحابی ایچون توجه ایتدیکی یردن دونمک، دوشندیکی ایشدن واز کچمک متصور دکلدی۔

کندیلرینی احاطہ ایدن جزیره دن آز بر زمان طرفندہ چیقہرق جوللری کچمش، طاغری آشمش، دائرہ اسلامیتی ترکستان کیر صحرالزینہ قدر ایلرولتمشدردی۔

بتون بوسی مدید ایچنده یورولمق بیلمین وجودلر، طالمق بیلمین فکرلر، محنت و مشقتلرله طولو کونلرندن دقیقهلر، ساعتلر اختلاس ایدہرک، فتوحات جسمانیہ ائناسندہ، فتوحات معنویہ دخی دوام

ایدیورلردی۔ اشته او علم جلیل فقہ اومشقتلی زمانلرده اختلاس اولونان دقیقهلر، ساعتلر ایچنده تأسیس اولمش؛ اوزرلرندن زرہلرینی، اللرندن اوق و مزراقلرینی براقہرق قالقانلرینی باشلری آلتہ قویقدن سو کرہ ساکنانہ، مستریحانہ اجرا ایتدکاری اجتہادلرله توسیع قیلنمشدر۔

بتون بونلرک اوزرینہ صوک کونلرہ تحداث ایدن فتنہلر، فسادلرہ علاوہ اولمشیدی۔ آراتق اونورانی دقیقهلر، سکونتلی استراحت اور ساعتلرہ بتمشیدی۔ اورطہلنی مدہش ظلمت استیلا ایتمش؛ نفاق و شقاقدن، قلنج و قالقاندن، قاندن باشقہ هیچ برشی کورونمز اولمشیدی۔ هله ظلم، جهالت اهالی آراسندہ پک زیادہ توسع ایتمش بولنیوردی۔

اصحاب کرام حضرتی بتون بونلرہ رغماً کمال عزم و متانتله چالیشیورلر؛ بر طرفدن اهالی آراسندہ اولان ظلمت جهالتک ازالہسنہ سعی و غیرت ایدیورلر؛ دیگر طرفدن علمک حدودینی توسیع ایتک اوزرہ اجتہادلرندہ دوام بیور یورلردی۔

اشته شویله عظیم برسعیک نتیجہ سی اولمق اوزرہ بلاد مقتوحہده اسلامیت ایچہ کوکلشمش، فقہ اسلام تماماً تأسس ایدہرک اجتہادله برابر بتون اقطار جهانہ انتشار ایتشدی۔ ممالک اسلامیہنک بتون اطرافندہ تابعین کرامدن لزومی قدر علماء مجتہدین یتشمش؛ آراتق آنلر اصحاب کرام حضرتانہ رقابت ایدرجهسنہ چالیشمنہ باشلامشدردی۔

ذاتاً اصحاب کرام حضرتی بتون شوکشمکشلر ایچنده علمی احضار، علم ایچون لازم اولان اجتہادی اعداد و تریبہ ایدہرک یورولمش بولندقلری حالده جانلرندن زیادہ سودکاری معلملری یانته چکیلور؛ آراتق نا تمام قالان جهتک اکانی «اجتہاد» توفیقاً خلفلرینہ حوالہ بیوریورلردی۔ رضوان اللہ تعالی علیہم اجمعین

صوکی وار قزانی حلیم ثابت

### صراط مستقیم رسالہ محترمہسنہ

السلام علیکم

نیت خالصہ ایله دین مبین اسلامہ خدمت ایتک اوزرہ هر هفته رسالہ کزہ بر خطبہ کوندرہ حکم۔ بوندن مقصدم اقتدار کوسستروب شهرت آلمق دکلددر۔ الحق مقصدم شودرکه بو خطبہلر نرم خطیب افندیلرہ نمونہ اولسون و بی معنا سکی خطبہلری آراتق ترک ایتسونلر۔ لکن نه شاشیلہ حق شیدرکه محاط علوم و معارف اولہ حق اولان دارالخلافة العظمانک خطیلری بواسکی خطبہلری ترک ایدہمیہ جکلرینہ عادتاً عهد و میثاق ایتمشلر کیددر۔

بو کونلرہ برچوق ذوات محترمہدن آلدیغ مکتوبلرده: اسکی خطبہلرک بشو طرز سقیمده نه وقتہ قدر دوام ایدہجکی صورولمقلہ برابر، صراط مستقیمده درج اولنان عربجه خطبہلرک ترکجه ترجه اولنسی طلب اولنیور۔